



სსიპ საქართველოს ტექნიკური უნივერსიტეტის
წარმომადგენლობითი საბჭო (სენატი)

დადგენილება № 01-06-02/32

ქ. თბილისი


3 აპრილი 2018

სტუ-ის სამართლისა და საერთაშორისო ურთიერთობების ფაკულტეტთან ჩინეთის
კვლევითი ინსტიტუტის შექმნისა და მისი დებულების დამტკიცების შესახებ

„უმაღლესი განათლების შესახებ“ საქართველოს კანონის მე-18 მუხლის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის – საქართველოს ტექნიკური უნივერსიტეტის წესდების“ მე-11 მუხლის, სტუ-ის აკადემიური საბჭოს 2018 წლის 26 მარტის №01-05-04/73 დადგენილებისა და წარმომადგენლობითი საბჭოს (სენატი) 2018 წლის 3 აპრილის №01-06-02/06 ოქმის საფუძველზე საქართველოს ტექნიკური უნივერსიტეტის წარმომადგენლობითმა საბჭომ (სენატი) დაადგინა:

1. შეიქმნას სტუ-ის სამართლისა და საერთაშორისო ურთიერთობების ფაკულტეტთან თვითდაფინანსებითი „ჩინეთის კვლევითი ინსტიტუტი“ და დამტკიცდეს მისი დებულება;
2. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში, მდებარე: ქ. თბილისი, დავით აღმაშენებლის ხეივანი მე-12 კმ, №6.

სტუ-ის წარმომადგენლობითი საბჭოს (სენატი)
სპიკერი, პროფესორი


ჯემალ გახოვიძე



სსიპ საქართველოს ტექნიკური უნივერსიტეტის
აკადემიური საბჭო
დადგენილება № 01-05-04/73

ქ. თბილისი

26 მაისი 2018

სტუ-ის სამართლისა და საერთაშორისო ურთიერთობების
ფაკულტეტთან ჩინეთის კვლევითი ინსტიტუტის შექმნისა და მისი დებულების დამტკიცების
შესახებ

„უმაღლესი განათლების შესახებ“ საქართველოს კანონის 21-ე მუხლის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის - საქართველოს ტექნიკური უნივერსიტეტის წესდების“ მე-8 მუხლის, სამართლისა და საერთაშორისო ურთიერთობების ფაკულტეტის დეკანის, პროფ. ირ. გაბისონიას 2018 წლის 26 თებერვლის №01-09-33/423 მოხსენებითი ბარათისა და აკადემიური საბჭოს 2018 წლის 26 მარტის №4 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. შეიქმნას სტუ-ის სამართლისა და საერთაშორისო ურთიერთობების ფაკულტეტთან თვითდაფინანსებითი „ჩინეთის კვლევითი ინსტიტუტი“;
2. ეთხოვოს წარმომადგენლობით საბჭოს (სენატი), დაამტკიცოს აღნიშნული ინსტიტუტი და მისი დებულება;
3. საკითხს წარმომადგენლობითი საბჭოს (სენატი) სხდომაზე წარადგენს პროფ. ირ. გაბისონია;
4. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში (მდებარე: ქ. თბილისი, დავით აღმაშენებლის ხეივანი მე-12 კმ, №6).

აკადემიური საბჭოს თავმჯდომარე

აკადემიური საბჭოს მდივანი

[Handwritten signature]

ა. ფრანგიშვილი

გ. სალუქვაძე


[Handwritten signature]

საქართველოს ტექნიკური უნივერსიტეტი

სამართლისა და საერთაშორისო ურთიერთობების ფაკულტეტის

ჩინეთის კვლევითი ინსტიტუტი

[Handwritten signature]



დებულება



მიღებულია საქართველოს ტექნიკური უნივერსიტეტის

აკადემიური საბჭოს მიერ 26.03. 2018 წ., №_ 01-05-04/73 დადგენილებით

და დამტკიცებულია წარმომადგენლობითი საბჭოს (სენატის) მიერ 3

აპრილი 2018 წ., № 01-06-02/32 დადგენილებით.

თბილისი

2018 წ.

[Handwritten signature]

მუხლი 1. ზოგადი დებულებები

- 1.1. ჩინეთის კვლევითი ინსტიტუტი (შემდგომში „ინსტიტუტი“) წარმოადგენს სსიპ - საქართველოს ტექნიკური უნივერსიტეტის (შემდგომში - „სტუ“-ს) სამართლისა და საერთაშორისო ურთიერთობების ფაკულტეტის (შემდგომში - „ფაკულტეტი“-ს) საგანმანათლებლო და სამეცნიერო სტრუქტურულ ერთეულს, რომელიც ფაკულტეტის ბაზაზე ახორციელებს სასწავლო, სამეცნიერო კვლევით საქმიანობას ჩინეთის მიმართულებით.
- 1.2. ინსტიტუტი თავის საქმიანობას წარმართავს საერთაშორისო სამართლის ნორმების, საქართველოს კანონმდებლობის, ფაკულტეტის წესდებისა და წინამდებარე დებულების შესაბამისად.
- 1.3. ინსტიტუტი დასახული მიზნებისა და დაკისრებული ფუნქციების განსახორციელებლად სარგებლობს სპეციალური ფლებაუნარიანობით, საკუთარ სახელით იძენს უფლებებსა და მოვალეობებს.
- 1.4. ინსტიტუტს აქვს დებულება, ბეჭედი, ბლანკი, დამოუკიდებელი ბალანსი, საკუთარი ხარჯთაღრიცხვა, საბანკო ანგარიშები და სხვა რეკვიზიტები.
- 1.5. ინსტიტუტის სრული სახელწოდება ქართულ ენაზე - ჩინეთის კვლევითი ინსტიტუტი
ინსტიტუტის შემოკლებული სახელწოდება ქართულ ენაზე - ჩკი
ინსტიტუტის სრული სახელწოდება ინგლისურ ენაზე - China Research Institute
ინსტიტუტის შემოკლებული სახელწოდება ინგლისურ ენაზე - CRI
- 1.6. ინსტიტუტის იურიდიული მისამართია: ქ. თბილისი, კოსტავას ქ. N 77

მუხლი 2. ინსტიტუტის მიზნები და ამოცანები:

- 2.1. ინსტიტუტის მიზნებია:
 - 2.1.1. საერთაშორისო თანამშრომლობის განვითარება, სასწავლო, სამეცნიერო-კვლევითი საქმიანობის გაფართოება, საინფორმაციო-ანალიტიკური მუშაობის გაძლიერება ჩინეთის მიმართულებით, ჩინური ენისა და კულტურის პოპულარიზაცია.
 - 2.1.2. საგანმანათლებლო და სამეცნიერო სივრცეში სტუდენტების, მაგისტრების პროფესორ-მასწავლებლების ინტეგრაცია, ჩინეთის წამყვან სასწავლო-სამეცნიერო ცენტრებთან სასწავლო-კვლევითი მიმართულებების მიხედვით,
 - 2.1.3. სტუდენტების, მაგისტრების და პროფესორ-მასწავლებლების აკადემიური მოტივების ამაღლება
 - 2.1.4. ფუნდამენტალური და გამოყენებითი სამეცნიერო-კვლევითი სამუშაოების ჩატარება ჩინეთის, ჩინეთ-საქართველოს თანამშრომლობის, და ჩინური ენისა და კულტურის შესწავლის განვითარების კუთხით.
 - 2.1.5. ჩინეთთან ინტეგრაციის, მისი იურიდიული, პოლიტიკური, ეკონომიკური, ისტორიული-კულტურული ასპექტების შესახებ კვლევების განვითარება, მაღალი დონის სახალის სამეცნიერო კონფერენციების და ამსფეროს ექსპერტების მომზადება რეგიონული კონტექსტისა და ამ რეგიონში საქართველოს როლის გათვალისწინებით.

- 2.1.6. ქართულ-ჩინურურთიერთობათა პრობლემების შესწავლა და კვლევა უნივერსიტეტის სამეცნიერო-საგანმანათლებლო პოტენციალის გამოყენებით;
- 2.2. ინსტიტუტის ამოცანებია:
- 2.2.1. საქართველოში ჩინეთის კვლევის განვითარებისათვის საუცილებელის ასწავლო, სამეცნიერო-კვლევითი პროგრამების, პროექტების შემუშავება და რეალიზება;
- 2.2.2. კვლევის შედეგების განზოგადება და რეკომენდაციების შემუშავება.
- 2.2.3. აკადემიური პროგრამების განხორციელება საბაკალვრო, სამაგისტრო და სადოქტორო საფეხურზე;
- 2.2.4. სამეცნიერო-საგანმანათლებლო კვლევების ერთობლივი ფონდების შექმნა;
- 2.2.5. ჩინეთის უნივერსიტეტებთან და კვლევით ცენტრებთან პროფესიონალური კონტაქტების დამყარება და განვითარება, მჭიდრო კავშირების დამყარება სამართლის, საერთაშორისო ურთიერთობებისა და მსოფლიო პოლიტიკის სფეროში მოღვაწე მეცნიერ კვლევარებს, პროფესორ-მასწავლებლებს, სტუდენტებს, დოქტორანტებს და მაგისტრებს შორის.
- 2.2.6. ორმაგი დიპლომების და გაცვლითი პროგრამების განვითარება პარტნიორ უნივერსიტეტებთან;
- 2.2.7. ჩინურ-ქართული საინვესტიციო პროექტების კონსულტაციური მხარდაჭერა;
- 2.2.8. ჩინური ენის სწავლების გაძლიერება საქართველოს ტექნიკურ უნივერსიტეტში;

3. ინსტიტუტის ფუნქციები

- ამოცანებიდან გამომდინარე ინსტიტუტს აქვს შემდეგი ფუნქციები:
- 3.1. სამეცნიერო კვლევების ხელშეწყობისა და პროექტების განხორციელების მიზნით, საქმიანი კონტაქტების დამყარება არასაუნივერსიტეტო ცენტრებთან, ჩინეთის უნივერსიტეტებთან, სამთავრობო დაწესებულებებთან, ბიზნეს-სექტორთან;
- 3.2. კვლევების შედეგების კომერციალიზაციისა და ახალი ტექნოლოგიების დანერგვისათვის საჭირო ღონისძიებების ხელშეწყობა;
- 3.3. რეგულარული სამეცნიერო-კვლევითი საქმიანობა. სამეცნიერო-კვლევითი და სასწავლო-მეთოდური მასალების მომზადება, ანალიტიკური ცნობების დამოხსენებების მომზადება თემების მიხედვით.
- 3.4. მონოგრაფიებისა და სახელმძღვანელოების მომზადება და ჩინური სახელმძღვანელოების ქართულ ენაზე თარგმნა.
- 3.5. საერთაშორისო და ადგილობრივ, უცხოურ და რეგიონულ ორგანიზაციებთან, ასევე სამთავრობო და არასამთავრობო არაკომერციულ ორგანიზაციებთან და დიპლომატიურ მისიებთან სამეცნიერო, კულტურული და საინფორმაციო სფეროებში ურთიერთობის კოორდინაცია;
- 3.6. სამეცნიერო კონფერენციების, მრგვალი მაგიდების, დებატების, სტუდენტური ტელეხიდეების მომზადება და ჩატარება;
- 3.7. საზაფხულო სკოლების ორგანიზების ხელშეწყობა.

მუხლი 4. ინსტიტუტის სტრუქტურა.

4.1. ინსტიტუტის სტრუქტურა და საშტატო განრიგი მტკიცდება ფაკულტეტის დეკანის მიერ, ინსტიტუტის დირექტორის წარდგინებით

მუხლი 5. ინსტიტუტის ხელმძღვანელობა

5.1. ინსტიტუტი წარმოადგენს ფაკულტეტის ორგანიზაციულ-სტრუქტურულ რგოლს, რომლის სტრუქტურა ითვალისწინებს: ინსტიტუტის დირექტორს, დირექტორის მოადგილეს და ინსტიტუტის მეცნიერ-თანამშრომელს.

5.2. ინსტიტუტის დირექტორს თანამდებობაზე ნიშნავს და ათავისუფლებს ფაკულტეტის დეკანი ფაკულტეტის საბჭოს წარდგინებით.

5.3. ინსტიტუტის დირექტორი:

- ხელმძღვანელობს და წარმართავს ინსტიტუტის საქმიანობას;
- წარმოადგენს ინსტიტუტს ყველა სტრუქტურულ ქვედანაყოფში.
- განსაზღვრავს საშტატო ცვლილებებს, ინსტიტუტის თანამშრომლების და მოწვეული სპეციალისტების წახალისების და დისციპლინარული სასჯელის დაკისრების საკითხებს.
- ამზადებს ინსტიტუტის საქმიანობის გეგმას და ყოველწლიურ თვითშეფასების ანგარიშს, რომლებიც წარედგინება ფაკულტეტის საბჭოს.
- თავისი კომპეტენციის ფარგლებში გამოსცემს ინდივიდუალურად მინისტრაციულ-სამართლებრივ აქტებს;
- კანონმდებლობით დადგენილი წესით და ინსტიტუტის საქმიანობის მიზნებისთვის განკარგავს ინსტიტუტის შემოსავლებს;
- ახორციელებს სხვა ფუნქციებს, რომლებიც მას ეკისრება საქართველოს კანონმდებლობით და ამ დებულებით.
- დირექტორს ჰყავს ერთი მოადგილე, რომელსაც თანამდებობაზე ნიშნავს და თანამდებობიდან ათავისუფლებს დირექტორი ფაკულტეტის საბჭოსთან და დეკანთან შეთანხმებით.
- დირექტორის არყოფნის შემთხვევაში, მის მოვალეობას ასრულებს მოადგილე. მოადგილის არყოფნის შემთხვევაში დირექტორის მოვალეობას ასრულებს მისივე ბრძანებით განსაზღვრული თანამშრომელი.

5.4. ინსტიტუტის დირექტორის მოადგილე, თავისი კომპეტენციის ფარგლებში:

- ხელსუწყობს ინსტიტუტის დირექტორს მასზე დაკისრებული მოვალეობების განხორციელების დაგეგმვა-კოორდინაციასა და ორგანიზაციაში;
- ახორციელებს უნივერსიტეტის სტრუქტურული ერთეულებისათვის ჩინეთის საკითხების შესახებ კონსულტაციის გაწევას;
- ორგანიზებას უკეთებს ინსტიტუტის ეგიდით დაგეგმილ ღონისძიებებს;

5.5. მეცნიერ-თანამშრომელი

- მეცნიერ-თანამშრომელს უფლება აქვს:
- დამოუკიდებლად განსაზღვროს სამეცნიერო კვლევის შინაარსი, მეთოდები და საშუალებები;
- მონაწილეობა მიიღოს დაფინანსების მოსაპოვებლად კონკურსებსა და სხვა ღონისძიებებში;

- წარმართოს ნებისმიერი სახის საქმიანობა, რომელიც დაკავშირებული იქნება ინსტიტუტის მიერ დასახული ამოცანების შესრულებასთან.

მუხლი 6. ინსტიტუტის დაფინანსება

6.1 ინსტიტუტის დაფინანსების წყაროებია:

- ინსტიტუტის მიერ შემოთავაზებული სამეცნიერო პროექტების განხორციელების შედეგად მიღებული შემოსავალი;
- ხელშეკრულების საფუძველზე შესრულებული სამუშაოდან მიღებული შემოსავალი.
- სხვადასხვა ფონდებიდან მოძიებული სამეცნიერო-საკვლევო გრანტები.
- სპონსორთა საქველმოქმედო თანხები და შემოწირულობები.
- ინსტიტუტის გამოქვეყნებულ შრომათა/მასალათა შემოსავალი (ჰონორარი).
- სამეცნიერო-ანალიტიკური პროდუქციის რეალიზაციისა და საგამომცემლო საქმიანობით მიღებული თანხები.
- საქართველოს კანონმდებლობით ნებადართული სხვა შემოსავლები.
- ინსტიტუტის საქმიანობით მოზიდული სახსრები ხმარდება ინსტიტუტის განვითარებას.

მუხლი 7. ინსტიტუტის ქონება

7.1. თავის ფუნქციათა განსახორციელებლად ინსტიტუტი სარგებლობს უნივერსიტეტის უძრავი ქონებით.

7.2. ინსტიტუტის ქონება შედგება მისთვის კანონმდებლობით დადგენილი წესით სახელმწიფოს, კერძო სამართლის ფიზიკური და იურიდიული პირების მიერ გადაცემული, ასევე საკუთარი სახსრებით შეძენილი ქონებისაგან.

7.3. ინსტიტუტის ქონებას შეადგენს ძირითადი საბრუნავი საშუალებები, აგრეთვე სხვა მატერიალური ფასეულობა და ფინანსური რესურსები.

მუხლი 8. ინსტიტუტის საქმიანობის შეწყვეტა

8.1. ინსტიტუტის საქმიანობის შეწყვეტა შესაძლებელია ნებისმიერ დროს ფაკულტეტის საბჭოს ან დეკანის გადაწყვეტილებით;

8.2. ინსტიტუტის საქმიანობის შეწყვეტის (ლიკვიდაციის) შემდეგ მისი ქონება რჩება უნივერსიტეტს, თუ ინსტიტუტსა და მის დამფინანსებლებს შორის შეთანხმებით ან შესაბამისი პროექტით სხვა რამ არ არის გათვალისწინებული.

საქართველო



სსიპ საქართველოს ტექნიკური უნივერსიტეტის რექტორის

ბრძანება № 05-04-11/306

ქ. თბილისი

13 04 2018 წ.

თვითდაფინანსების პრინციპით მომუშავე

ცენტრის შექმნის შესახებ

„უმაღლესი განათლების შესახებ“ საქართველოს კანონის 22-ე მუხლის, სტუ-ს აკადემიური საბჭოს 2018 წ. 14 თებერვლის №01-05-04/24 დადგენილებისა და წარმომადგენლობითი საბჭოს (სენატი) 2018 წ. 03 აპრილის №01-06-02/32 დადგენილების საფუძველზე

ვ ბ რ ძ ა ნ ე ბ:

სამართლისა და საერთაშორისო ურთიერთობების ფაკულტეტთან შეიქმნას, თვითდაფინანსების პრინციპით მომუშავე „ჩინეთის კვლევითი ინსტიტუტი“

რექტორი

არჩილ ფრანგიშვილი